

CYNGOR SIR YNYS MÔN	
Adroddiad i:	Pwyllgor Gwaith
Dyddiad:	Medi 19 2016
Pwnc:	<p>Moderneiddio Ysgolion ar Ynys Môn – Adroddiad yn dilyn cyhoeddi'r rhybuddion statudol ar gyfer:</p> <ul style="list-style-type: none"> • Ysgol gynradd newydd ym Mro Aberffraw • Ysgol Parc y Bont i fynd yn ysgol gymunedol a ffedereiddio Ysgol Brynsiencyn
Aelod(au) Portffolio:	Y Cyngorydd Kenneth Hughes
Pennaeth Gwasanaeth:	Delyth Molyneux
Awdur yr Adroddiad: Rhif Ffôn: E-bost:	Emrys Bebb
Aelodau Lleol:	Y Cyngorydd Ann Griffith Y Cyngorydd Peter Rogers

A – Argymhelliad/Argymhellion a Rheswm/Rhesymau

Rhesymau:

Er mwyn cydymffurfio â'r Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, cyhoeddodd yr Awdurdod ar y cyd gyda'r Eglwys yng Nghymru, **Rybuddion Statudol** o'u bwriad i:

- Gyfuno pedair ysgol - Ysgol Bodorgan, Ysgol Dwyran, Ysgol Niwbwrch ac Ysgol Llangaffo - mewn un ysgol newydd ar safle yn Niwbwrch ac y bydd yr ysgol gynradd newydd dan reolaeth wirfoddol yr Eglwys yng Nghymru.
- Beidio â chefnogi Ysgol Parc y Bont sydd ar hyn o bryd yn cael ei chynnal gan Gyngor Sir Ynys Môn fel ysgol dan reolaeth wirfoddol yr Eglwys yng Nghymru ac i sefydlu ysgol gynradd gymunedol cyfrwng Cymraeg newydd i'w chynnal gan Gyngor Sir Ynys Môn ar safle Ysgol Parc y Bont ar gyfer bechgyn a merched 3-11 oed. Bydd Ysgol Brynsiencyn yn cael ei ffedereiddio gydag ysgol arall.

Cyhoeddwyd y **Rhybuddion Statudol** ar Fehefin 17 2016 ac roedd cyfnod o 28 diwrnod i wrthwynebu'r cynnig yn dilyn. Felly, daeth y cyfnod gwrthwynebu i ben ar Orffennaf 15, 2016. **Derbyniwyd un gwrthwynebiad i gynnig (a) uchod ond ni dderbyniwyd gwrthwynebiad i Rybudd Statudol (b) uchod.**

Yn unol â'r Cod Trefniadaeth Ysgolion 2013 a gyhoeddwyd gan Lywodraeth Cymru, mae angen i'r cynigydd neu'r cynigwyr, sef yr Awdurdod ar y cyd gyda'r Eglwys yng Nghymru yn yr achos hwn, gyhoeddi adroddiad yn disgrifio unrhyw wrthwynebiad a gafwyd h.y. adroddiad gwrthwynebu. Gweler yr adroddiad gwrthwynebu yn **Atodiad 1**.

Daeth newidiadau yn y Côt Trefniadaeth Ysgolion i rym ar 1 Hydref 2013. Newidiwyd y ffordd yr oedd y Cyngor yn delio gyda gwrthwynebiad i rybudd statudol. Penderfynodd y

Pwyllgor Gwaith yn ei gyfarfod ar 4 Tachwedd 2013 os derbynnir gwrthwynebiad i benderfyniad gan Bwyllgor Gwaith Cyngor Sir Ynys Môn i gyhoeddi rhybudd statudol i gau ysgol gynradd dan y Côt Trefniadaeth Ysgolion newydd ddaeth i rym ar 1 Hydref 2013, y dylid cyfeirio'r mater i'r Pwyllgor Gwaith.

Felly, yn unol â'r Cod Trefniadaeth Ysgolion 2013, rhan 5.3, mae angen i'r Pwyllgor Gwaith "benderfynu a ddylid cymeradwyo'r cynigion, eu gwrthod neu eu cymeradwyo ag addasiadau."

Argymhellir fod y Pwyllgor Gwaith:

- i. Yn penderfynu cymeradwyo'r cynigion gwreiddiol sef:
 - Cynnig peidio â chefnogi Ysgol Bodorgan (Bodorgan, Ynys Môn LL62 5AB), Ysgol Dwyran (Dwyran, Ynys Môn LL61 6AQ), Ysgol Niwbwrch (Niwbwrch, Ynys Môn LL61 6TE) ac Ysgol Llangaffo (Llangaffo, Ynys Môn LL60 6LT) sydd ar hyn o bryd yn cael eu cynnal gan Gyngor Sir Ynys Môn ac i sefydlu ysgol gynradd cyfrwng Cymraeg newydd dan reolaeth wirfoddol yr Eglwys yng Nghymru i'w chynnal gan Gyngor Sir Ynys Môn ar safle yn Niwbwrch ar dir ger Morawelon, Niwbwrch, LL61 6TH ar gyfer bechgyn a merched 3-11 oed.
 - i beidio â chefnogi Ysgol Parc y Bont (Llanddaniel, Ynys Môn LL60 6HB), sydd ar hyn o bryd yn cael ei chynnal gan Gyngor Sir Ynys Môn fel ysgol dan reolaeth wirfoddol yr Eglwys yng Nghymru ac i sefydlu ysgol gynradd gymunedol cyfrwng Cymraeg newydd i'w chynnal gan Gyngor Sir Ynys Môn ar safle Ysgol Parc y Bont ar gyfer bechgyn a merched 3-11 oed. Bydd Ysgol Brynsiencyn yn cael ei ffedereiddio gydag ysgol arall.
- ii. Yn awdurdodi swyddogion i barhau gyda'r broses i
 - (a) adeiladu ysgol gynradd newydd yn Niwbwrch (yn amodol ar fod y safle'n addas);
 - (b) addasu Ysgol Parc y Bont a newid ei statws ac
 - (c) addasu Ysgol Brynsiencyn ac i'w ffedereiddio hi gydag ysgol gynradd arall.

Cefndir:

Yn ei gyfarfod ar Fedi 8, 2014, penderfynodd Pwyllgor Gwaith Cyngor Sir Ynys Môn:

- Awdurdodi swyddogion o'r Adran Dysgu Gydol Oes i'w galluogi i gynnal proses ymgynghori anffurfiol neu anstatudol ar y ddarpariaeth addysg gynradd yn Ne Orllewin Ynys Môn.
- Paratoi'n ddilynol nifer o opsiynau posibl ar y ffordd ymlaen erbyn rhan gyntaf 2015.

Mae'r Cyngor wedi ymgynghori â rhieni, llywodraethwyr a staff yn y chwe ysgol yn yr ardal a hefyd gyda'r cymunedau lleol, cynghorwyr lleol a chyda llywodraeth Cymru a rhanddeiliaid eraill. Rhedai'r cyfnod ymgynghori o Dachwedd 17^{eg} 2014 hyd at Ragfyr 21^{ain} 2014.

Trefnwyd cyfarfodydd ymgynghori gyda staff, llywodraethwyr a rhieni'r 6 ysgol gysylltiedig dros y cyfnod hwn. Cynhaliwyd cyfarfodydd ymgynghori gyda chynghorau cymuned yn ardaloedd Bro Rhosyr a Bro Aberffraw.

Ystyriwyd nifer o opsiynau posibl ar y ffordd ymlaen ar gyfer y ddarpariaeth addysg gynradd yn ardaloedd Bro Rhosyr a Bro Aberffraw yn y broses ymgynghori anstatudol neu anffurfiol. Cododd dau bosibilrwydd o'r dadansoddiad manwl a gynhaliwyd:

Opsiwn A

Byddai hwn yn seiliedig ar Opsiwn 2, sef *ysgol newydd ar gyfer Bodorgan, Brynsiencyn, Niwbwrch, Dwyran ac un ysgol newydd ar gyfer Llangaffo a Pharc Y Bont.*

Yn y cyd-destun hwn, byddai lleoli un o'r ysgolion newydd yn ardal Niwbwrch yn golygu y byddai oddeutu traean o'r plant yn gallu cerdded i'r ysgol.

Byddai ar unrhyw ailfodelu Parc y Bont angen mynd i'r afael â'r problemau trafndiaeth a adnabuwyd ar ddechrau a diwedd y diwrnod ysgol.

Gallai'r opsiwn hwn hefyd gynnwys ffedereiddio Ysgol Brynsiencyn gydag ysgol arall h.y. cynnal yr ysgol ar y safle presennol ond o dan drefniant rheoli gwahanol.

Opsiwn B

Byddai hwn yn seiliedig ar Opsiwn 4, sef *ysgol newydd ar gyfer Bodorgan, Niwbwrch, Dwyran a Llangaffo ac un ysgol newydd ar gyfer Parc y Bont a Brynsiencyn.*

Byddai angen i unrhyw ailfodelu ym Mharc y Bont fynd i'r afael â'r problemau trafndiaeth a adnabuwyd ar ddechrau a diwedd y diwrnod ysgol.

Gallai'r opsiwn hwn hefyd gynnwys ffedereiddio Ysgol Brynsiencyn gydag ysgol arall h.y. cynnal yr ysgol ar y safle presennol ond o dan wahanol gytundeb rheolaethol.

Yn yr opsiwn hwn, **NAILL AI** byddai'r Ysgol Parc y Bont bresennol, ynghyd â Brynsiencyn, yn parhau'n ysgol yr Eglwys yng Nghymru **NEU** byddai'r ysgol newydd yn ardal Niwbwrch (ysgol newydd ar gyfer Bodorgan, Niwbwrch, Dwyran a Llangaffo) yn gallu dod yn ysgol dan Reolaeth Wirfoddol yr Eglwys yng Nghymru .

Yn ei gyfarfod ar **Fawrth 16, 2015**, penderfynodd y Pwyllgor Gwaith: Awdurdodi swyddogion i fynd rhagddynt i'r broses ymgynghori ffurfiol neu statudol lle byddant yn ymgynghori ar Opsiynau A a B uchod.

Yn ei gyfarfod ar **Hydref 19 2015**, penderfynodd y Pwyllgor Gwaith: "Gymeradwyo opsiwn B4a fel yr opsiwn a ffefrir ar gyfer darparu addysg gynradd yn ardaloedd Bro Rhosyr a Bro Aberffraw fel y caiff ei amlinellu yn yr adroddiad, sef

- Ysgol newydd dan RW yr Eglwys yng Nghymru ar gyfer Bodorgan, Niwbwrch, Dwyran, Llangaffo
- Parc y Bont i ddod yn ysgol gymunedol a
- Ffedereiddio Ysgol Brynsiencyn gydag ysgol arall.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Ystyriwyd 9 opsiwn gan y Pwyllgor Gwaith yn ei gyfarfod ar Fawrth 16, 2015 ar gyfer cyfluniad posib o'r ddarpariaeth addysg gynradd yn ardaloedd Bro Rhosyr a Bro Aberffraw. Yn y cyfarfod hwnnw, penderfynodd y Pwyllgor Gwaith gefnogi Opsiwn B4a sef

- Ysgol newydd dan RW yr Eglwys yng Nghymru ar gyfer Bodorgan, Niwbwrch, Dwyran, Llangaffo
- Parc y Bont i ddod yn ysgol gymunedol a
- Ffedereiddio Ysgol Brynsiencyn gydag ysgol arall.

fel opsiwn dewisol y Pwyllgor Gwaith. Gellir gweld yr opsiynau yn yr adroddiad i'r Pwyllgor Gwaith ar gyfer y cyfarfod ar y dyddiad uchod ac yn y ddogfen ymgynghori anffurfiol.

Ystyriwyd 12 safle ar gyfer yr ysgol gynradd newydd arfaethedig. Gweler y dadansoddiad o'r safleoedd posib yn y ddogfen Gwerthuso Opsiynau Safleoedd

C – Am ba reswm y mae hwn yn benderfyniad i'r Pwyllgor Gwaith?

Mae'r Pwyllgor Gwaith yn gyfrifol am faterion trefniadaeth ysgolion.

D – A yw'r penderfyniad hwn yn gyson â'r polisi a gymeradwywyd gan y Cyngor llawn?

Ydyw

DD – A yw'r penderfyniad hwn o fewn y gyllideb a gymeradwywyd gan y Cyngor?

Ydyw - Mae'r cynlluniau yn y Rhaglen Amlinellol Strategol a gymeradwywyd gan y Pwyllgor Gwaith ar Ionawr 13, 2014. Bydd Achos Busnes Llawn am y cynlluniau uchod ym Mröydd Rhosyr ac Aberffraw i gyd yn cael ei gyflwyno i'r Pwyllgor Gwaith yn Ionawr 2017.

E – Gyda phwy wnaethoch chi ymgynghori?

Beth oedd eu sylwadau?

E – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	Dim sylw penodol
2	Cyllid / Adran 151 (mandadol)	Dim sylw penodol
3	Cyfreithiol / Swyddog Monitro (mandadol)	Dim sylw penodol
5	Adnoddau Dynol (AD)	Dylid ymdrin ag unrhyw faterion staffio sy'n codi o'r argymhellion yn unol â phrosesau ymgynghori ac adnoddau dynol eraill cydnabyddedig.
6	Eiddo	Ni dderbyniwyd unrhyw sylwad
7	Technoleg Gwybodaeth Cyfathrebu (TGCh)	Ni dderbyniwyd unrhyw sylwad
8	Sgriwtini	Ni dderbyniwyd unrhyw sylwad
9	Aelodau Lleol	Ni dderbyniwyd unrhyw sylwad
10	Unrhyw gyrrff allanol / arall/eraill	Mae'r Eglwys yng Nghymru yn fodlon fod swyddogion Cyngor Sir Ynys Môn wedi dilyn y broses statudol ar gyfer sefydlu'r ysgol gynradd. Mae'r Eglwys yn parhau i fod yn gefnogol i'r cysyniad o ysgol gynradd newydd dan RW yr Eglwys yng Nghymru ac yn edrych ymlaen at wasanaethu plant ardal Bro Aberffraw.

F – Risgiau ac unrhyw gamau lliniaru (os yn berthnasol)		
1	Economaidd	Ddim yn berthnasol
2	Gwrthdlodi	Ddim yn berthnasol
3	Trosedd ac Anhrefn	Ddim yn berthnasol
4	Amgylcheddol	Bydd camau lliniaru yn rhan o'r cais cynllunio
5	Cydraddoldebau	Ddim yn berthnasol
6	Cytundebau Canlyniad	Ddim yn berthnasol
7	Arall	Ddim yn berthnasol

FF - Atodiadau:
Atodiad 1 – Adroddiad Gwrthwynebiad
Atodiad 2 – Llythyr yn Gwrthwynebu

G - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):
<ol style="list-style-type: none"> 1. Cofnodion cyfarfod y Pwyllgor Gwaith ar gyfer Mawrth 16, 2015. 2. Dogfen Ymgynghori Anstatudol a'r Ddogfen Ymgynghori Statudol a'r Adroddiad Ymgynghori 3. Rhaglen Amlinellol Strategol (SOP/RhAS) a gyflwynwyd i Lywodraeth Cymru yn Rhagfyr 2013. 4. Llythyr gan Lywodraeth Cymru ddyddiedig Ionawr 31 2014. 5. Cofnodion cyfarfod y Pwyllgor Gwaith a gynhaliwyd ar Hydref 19, 2015. 6. Adroddiad i'r Pwyllgor Gwaith dyddiedig Tachwedd 4 2013. 7. Cod Trefniadaeth Ysgolion 2013, rhannau 1.2 i 1.14 a rhan 5. 8. Cofnodion y cyfarfodydd ymgynghori gyda staff, llywodraethwyr a rhieni a gynhaliwyd ym Mehefin a Gorffennaf 2015. 9. Dogfen Gwerthuso Opsiynau Safleoedd 10. Rhybuddion statudol dyddiedig Mehefin 15 2016



Adroddiad Gwrthwynebu

1. Cefndir

Er mwyn cydymffurfio â'r Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion 2013, cyhoeddodd yr Awdurdod ar y cyd gyda'r Eglwys yng Nghymru, **Rybuddion Statudol** o'u bwriad i:

- a. Gyfuno pedair ysgol - Ysgol Bodorgan, Ysgol Dwyrân, Ysgol Niwbwrch ac Ysgol Llangaffo - mewn un ysgol newydd ar safle yn Niwbwrch ac y bydd yr ysgol newydd dan reolaeth wirfoddol yr Eglwys yng Nghymru.
- b. Beidio â chefnogi Ysgol Parc y Bont sydd ar hyn o bryd yn cael ei chynnal gan Gyngor Sir Ynys Môn fel ysgol dan reolaeth wirfoddol yr Eglwys yng Nghymru ac i sefydlu ysgol gynradd gymunedol cyfrwng Cymraeg newydd i'w chynnal gan Gyngor Sir Ynys Môn ar safle Ysgol Parc y Bont ar gyfer bechgyn a merched 3-11 oed. Bydd Ysgol Brynsiencyn yn cael ei ffedereiddio gydag ysgol arall.

Cyhoeddwyd y **Rhybuddion Statudol** ar Fehefin 17 2016 ac roedd cyfnod o 28 diwrnod i wrthwynebu'r cynnig yn dilyn. Felly, daeth y cyfnod gwrthwynebu i ben ar Orffennaf 15, 2016. **Derbyniwyd un gwrthwynebiad i gynnig (a) uchod ond ni dderbyniwyd gwrthwynebiad i Rybudd Statudol (b) uchod.**

O dan adran 49 o Ddeddf Safonau a Threfniadaeth Ysgolion (Cymru) 2013, rhaid i gynigwyr gyhoeddi crynodeb o'r gwrthwynebiadau statudol ac ymateb i'r gwrthwynebiadau hynny ("yr adroddiad gwrthwynebu") – dyma yw'r ddogfen hon. Rhaid gwneud hyn ymhen 28 diwrnod o ddiwedd y cyfnod gwrthwynebu sef erbyn Awst 12 2016.

2. Gwrthwynebiadau

Gweler y llythyr (yn Saesneg) sy'n datgan gwrthwynebiad rhieni i'r ysgol gynradd newydd arfaethedig dan reolaeth wirfoddol yr Eglwys yng Nghymru yn Atodiad 2.

Yn y bôn, mae'r rhieni yn dweud:

- i. nad yw'r cynigwyr wedi ymgynghori gyda phawb y dylent wedi ymgynghori â hwy
- ii. na soniwyd yn y cyfarfod ymgynghori gyda rhieni disgyblion Ysgol Bodorgan am y posibilrwydd y byddai'r ysgol gynradd newydd ym Mro Aberffraw yn ysgol gynradd dan reolaeth wirfoddol yr Eglwys yng Nghymru ac
- iii. nad oes gan y rhieni ysgol amgen i ddanfôn eu plentyn iddi.



Adroddiad Gwrthwynebu

Amlinellir isod ymateb yr Awdurdod i'r pwyntiau hyn:

i. Heb ymgynghori gyda phawb

Trefnwyd pum set o gyfarfodydd ymgynghori gyda staff a llywodraethwyr. Er bod 6 ysgol gynradd yn rhan o'r ymgynghoriad, mae Ysgol Dwyran ac Ysgol Niwbwrch wedi eu ffedereiddio ac felly cynhaliwyd un cyfarfod ar gyfer staff y ddwy ysgol a cyfarfod arall i'r Llywodraethwyr gan mai un Corff Llywodraethu sydd i'r ddwy ysgol. Ar gyfer rhieni'r plant yn y 6 ysgol, cynhaliwyd cyfarfod ym mhob ysgol iddynt. Gweler y tabl isod sy'n cadarnhau'r amseroedd cynhaliwyd y cyfarfodydd ymgynghori:

			Cyfarfod gyda		
Ysgol	Dyddiad (yn 2015)		Staff	Llywodraethwyr	Rhieni
Brynsiencyn	Dydd Llun	29 Mehefin	3.45	5.00	6.00
Parc y Bont	Dydd Mawrth	30 Mehefin	3.45	5.00	6.30
Llangaffo	Dydd Mercher	1 Gorffennaf	3.30	4.30	5.30
Bodorgan	Dydd Iau	2 Gorffennaf	3.30	5.00	6.30
Dwyran	Dydd Mercher	8 Gorffennaf			7.00
Niwbwrch	Dydd Iau	9 Gorffennaf	4.00	6.00	7.00

Anfonwyd llythyrau i'r rhieni drwy'r ysgolion i'w hysbysu o'r cyfarfodydd hyn ac mae cofnodion o'r cyfarfodydd yn dangos fod y cyfarfodydd ymgynghori wedi digwydd.

ii. Dim awgrym mai ysgol gynradd dan reolaeth wirfoddol yr Eglwys yng Nghymru fyddai'r ysgol gynradd newydd

Dywedwyd yn y ddogfen ymgynghori statudol:

"Ystyriwyd nifer o opsiynau posibl ar y ffordd ymlaen ar gyfer y ddarpariaeth addysg gynradd yn ardaloedd Bro Rhosyr a Bro Aberffraw yn y broses ymgynghori anstatudol neu anffurfiol. Cododd dau bosibilrwydd o'r dadansoddiad manwl a gynhaliwyd:



Adroddiad Gwrthwynebu

Opsiwn A

Byddai hwn yn seiliedig ar Opsiwn 2, sef *ysgol newydd ar gyfer Bodorgan, Brynsiencyn, Niwbwrch, Dwyran ac un ysgol newydd ar gyfer Llangaffo a Pharc Y Bont.*

Yn y cyd-destun hwn, byddai lleoli un o'r ysgolion newydd yn ardal Niwbwrch yn golygu y byddai oddeutu traean o'r plant yn gallu cerdded i'r ysgol.

Byddai ar unrhyw ailfodelu Parc y Bont angen mynd i'r afael â'r problemau trafndiaeth a adnabuwyd ar ddechrau a diwedd y diwrnod ysgol.

Gallai'r opsiwn hwn hefyd gynnwys ffedereiddio Ysgol Brynsiencyn gydag ysgol arall h.y. cynnal yr ysgol ar y safle presennol ond o dan drefniant rheoli gwahanol.

Opsiwn B

Byddai hwn yn seiliedig ar Opsiwn 4, sef *ysgol newydd ar gyfer Bodorgan, Niwbwrch, Dwyran a Llangaffo ac un ysgol newydd ar gyfer Parc y Bont a Brynsiencyn.*

Byddai angen i unrhyw ailfodelu ym Mharc y Bont fynd i'r afael â'r problemau trafndiaeth a adnabuwyd ar ddechrau a diwedd y diwrnod ysgol.

Gallai'r opsiwn hwn hefyd gynnwys ffedereiddio Ysgol Brynsiencyn gydag ysgol arall h.y. cynnal yr ysgol ar y safle presennol ond o dan wahanol gytundeb rheolaethol.

Yn yr opsiwn hwn, **NAILL AI** byddai'r Ysgol Parc y Bont bresennol, ynghyd â Brynsiencyn, yn parhau'n ysgol yr Eglwys yng Nghymru **NEU** byddai'r ysgol newydd yn ardal Niwbwrch (ysgol newydd ar gyfer Bodorgan, Niwbwrch, Dwyran a Llangaffo) yn gallu dod yn ysgol dan Reolaeth Wirfoddol yr Eglwys yng Nghymru.

Yn ei gyfarfod ar Fawrth 16, 2015, penderfynodd y Pwyllgor Gwaith:

Awdurdodi swyddogion i fynd rhagdynt i'r broses ymgynghori ffurfiol neu statudol lle byddant yn ymgynghori ar Opsiynau A a B uchod.

Mae'r ddogfen hon yn sail ar gyfer **yr ymgynghori ffurfiol neu statudol i adolygu'r ddarpariaeth addysg gynradd yn ardal De Orllewin Môn.** Pwrpas yr ymgynghoriad ffurfiol neu statudol yw ymgynghori â rhanddeiliaid e.e. rhieni, plant, staff, llywodraethwyr ac aelodau etholedig ar yr opsiynau y penderfynwyd arnynt uchod gan Bwyllgor Gwaith y Cyngor."



Adroddiad Gwrthwynebu

Gweler fod y posibilrwydd byddai'r ysgol gynradd newydd dan reolaeth wirfoddol yr Eglwys yng Nghymru yn eglur yn y ddogfen ymgynghori oedd yn sail i'r ymgynghori statudol.


Yn ogystal, dengys cofnodion y cyfarfod ymgynghori gyda rhieni disgyblion Ysgol Bodorgan fod y Swyddog Addysg oedd yn cadeirio'r cyfarfod gyda'r rhieni yn Ysgol Bodorgan wedi codi'r mater gan ofyn beth oedd barn rhieni am "ysgol eglwysig". Nid yw'r cofnodion yn manylu ar y drafodaeth ddilynol ond fe drafodwyd y mater.

Dim ysgol amgen i ddanfôn eu plentyn iddi

Cymerir fod y rheini yn golygu nad oes dim ysgol gymunedol amgen iddynt ddanfôn eu plentyn iddi. Yr ysgol gymunedol amgen agosaf yw Ysgol Henblas yn Llangristiolus sydd tua 3 milltir o'u cartref ar hyd y B4422. Mae hyn yn debyg i'r pellter i'r ysgol gynradd newydd yn Niwbwrch a fyddai'n ysgol ddalgyloch iddynt petaen' nhw'n danfôn eu plentyn yno.

Programme Manager
Lifelong learning Department
Council Offices
Llangefni
Anglesey
LL77 7TW

14th July 2016



Re: Statutory notice of Bro Rhosyr/Bro Aberffraw school restructuring.

Objection letter.

Dear Sir/Madam

Having perused the Statutory Notice regarding the closures of Ysgol Bodorgan, Ysgol Dwyran, Ysgol Niwbwrch and Ysgol Llangaffo and the building of a new Church in Wales school in Newborough, we firmly object to these proposals.

The Statutory Notice states that this joint consultation was carried out by Anglesey County Council and Church in Wales. It also states that all required persons were consulted. We take this to mean parents, teachers and governors. This is not the case.

We as parents of a child at Ysgol Bodorgan attended all the consultation meetings held at the school and not once was it suggested that the proposed new school would be a Church in Wales voluntary controlled primary school, essentially a faith school. We can produce several witnesses who can verify that this was never mentioned during the consultations held at Ysgol Bodorgan.

As atheists we strongly disagree with sending our child to a faith school and by closing all the schools in our area to build this new school, it would leave us with no alternative school.

Yours sincerely